



## Հուսիկ Արա

### Հեղափոխություն

Տվածդ մի կյանք է, երկիր,  
ու երկու հեղափոխություն.  
օրերս կու՛մ-կու՛մ բարակեցին  
այդ երկճյուղ թավշյա կոկորդում:  
Մանրաթելեր մնացին ինձ  
ու սարդի մի ձիգ լար,  
և կախ-կախվել եմ հող ու ամպի արանքում:

Տարվում էր մարմինս տերև՝ալիքը ալիքի վրա  
ու բերվում տաշեղ՝հոսանքը հոսանքից հետո.  
փողոցեփողոց, հրապարակ ու կայարան:  
Հետո գույները էլ տաք չէին խամր ու մրոտված,  
բառերի փոշին էր թափվում,  
ծածկում էր սավանը սպիտակ խոսքի,  
և հյուսվում էր պարան ու էլի պարան:

Մի պատերազմից մյուսը անցնող  
անկանոն կրակահերթ.  
ժամանակավոր դադար է կյանքս  
ապրել-չապրելու սևխոռոչ երախում: